

重脩浙江通志稿

第二十九冊
建置

重脩浙江通志稿

第廿九冊建置

關帝廟 在杭市吳山承天觀右同治八年重葺光緒二年又修甬林鎮高
司鎮皆有廟西溪法華山有義勇武安王廟

一在孤山之陽名照胆臺即唐永福寺舊址明萬厯間浙人金學曾倡緣
建祠外為三義閣祀帝及昭烈帝張桓侯左為水榭內樓日照胆臺天啟
二年祠成重葺其昌浙撫陳秉直俱有記咸豐間廟燬同治四年請帑重建
一在裏河金沙江流金橋側名關帝祠雍正九年總督李衛修建祠宇宏
敞西偏為園疊石洒渠花木環植足增湖山之勝

忠烈廟 在杭市西湖北山栖霞嶺即岳王廟初謚武穆實慶二年改謚忠
武洪武四年稱宋少保鄂國武穆王康熙五十四年總督范時崇重建雍
正九年李衛重修建石坊於祠前題曰碧血丹心兩廡刻王所製滿江紅
詞及送張紫岩北伐詩西偏建流芳亭有石刻武穆像嘉慶六年巡撫阮
元重修咸豐間經亂廟燬同治四年布政使蔣益澧重建
民國
年省長夏超重修

武絕海外之窺同正亂賊之典刑洩萬民之積憤舒東南根本之憂
功峻烈豈曰小補之哉

青木山廟 在慈谿縣南二十里青木山峭壁下罕之禦孫恩靈廟嘗駐兵
於此一戰而捷民賴以安時山本茂挺成團鄉民觸物感懷遂指此山標
名立廟以祀之明洪武十五年耆民余子安捨基重建後余德明寺遷於
寨頭山下

土埭廟 在奉化縣東八里祀唐節度使奉化縣開國子唐準準嘗築土
埭堰灌田五千餘畝故鄉人祀之

湯令公廟 在鄞縣濠河鎮裏濠河祀明信國公湯和明初建清道光四
年祠戶更新之徐錫圭有記同治四年重修

握登聖母廟 在上虞縣西南四十里握登山之巔祀古帝舜母握登母
生帝於姚墟因姓姚氏

睢陽太守許遠祠 在孤山

忠烈二侯祠 在杭市山安橋東末巷祀宋封繼忠侯岳雲烈文侯張憲武穆死於獄二人就戮於此里人憐其冤立祠祀之

張烈文侯祠 在杭市東山街口（去岳祠百步許）祀宋張憲明正德間即墓所建祠 清康熙十年巡撫范承謨重建

靈衛廟 在杭市錢塘門外俗稱金祝廟 祀宋錢塘令朱蹕及尉曹將金勝祝戚皆建炎時死完顏宗弼之難者鄉人立祠署曰金祝二太尉廟

忠義廟 在杭市吳山伍公廟前俗名施公廟有石坊刻吳山第一廟 祀宋殿前司小校施全憤秦檜奸邪誤國懷刃刺之不遂被磔於市邦人憐之立祠 明成化十一年重建大理卿夏時正有記

葛相公廟 在杭市江干祀葛雲 葛雲徽州人（歙縣）紹興初渡錢塘斬蛟江中捐軀除患夫人程氏亦以身殉里人德之於江皋立廟明季燬而復建清咸豐間毀於兵同治年間重建

二郎神廟 在杭州忠清里 祀晉將軍鄧遐 陳郡人自幼勇力絕人氣蓋當時人方之樊噲桓溫舉為參軍數從征伐歷官軍將軍數郡太守號為名將襄陽城北活水中蛟數出害人遐拔劍入水蛟繞其足遐揮劍截蛟數段而出自是患息鄉人德之為立祠祀之以其嘗為二郎將故稱為二郎神云

按浙續通志稿按語謂杭非斬蛟之地鄧亦未嘗有功於杭必其顯靈於襄杭人禱彼有應歸語鄉人因立祠未可知也不知鄧當時數有戰功芳稱名將崇拜之心人同此感所謂功在國家固不可以地域限也歸語鄉人云云頗覺詞費

顯功廟 在杭市錢塘門外保俶塔下（大石佛西）祀岳琚公為臨安府吏建炎初金人犯境琚輸家財募勇士三百人推錢塘尉曹將金祝二人

為首領迎敵戰死里人懷其功祀之

楊將軍廟 在杭縣艮山楊墅 祀宋岳鄂王部將楊再興 相傳地為將軍故宅 咸豐末廟燬 同治九年郡人集資重建（廬存心有楊墅廟碑）

三忠廟 或作旌忠觀 在杭市清冷橋北 祀宋高永能景憲諡陳博古元豐五禩有事於銀州三君同日戰死朝廷題其節子廟祀今祀為土穀之神 咸豐間廟毀里人醵資重建

撒沙夫人廟 在杭市皋亭山即半山廟 在山之半俗稱半山娘娘姓倪居山下南宋兀術兵至倪匿山中懼不免難遂自盡

舊志載韓蘄王方拒敵夢倪語以姓氏云受上帝之憐証神於此詰朝願助王威王異之及臨陣有神鵝蔽天而至鼓翼飛沙敵騎迷目而敗韓表其異云

忠節祠 在杭市清波門外方家峪 祀宋太學生徐應鑣康熙間裔孫徐旭旦兄弟以私財徙建於孤山之陽歲久傾圮光緒間邑紳丁丙等重葺德清俞樾有重修孤山祠記

此與六一泉之忠節祠名同祀異

一在六一泉之前又名表忠祠郡人茅真捐地椎闕陳調元勦建初祀明季甲申殉國浙中六君子後增祀天啟間抗璫死節諸賢建閣為祠顏曰數峰黃道周有兩廟忠烈碑記康熙二十七年巡撫金鉉重建道咸間祠久廢庚辛亂後遺址蕩然光緒五年郡人移建於蔣果敏公祠後山巔仍顏曰數峰閣極拓其中以存忠節舊祠梅啟照有移建數峰閣碑記

陳忠肅公祠 在杭市葛嶺 祀宋贈太師陳文龍（度宗朝廷試第一）明正德間建（景炎初興化軍降元文龍被執不屈械送杭州餓死）

旌功祠 在杭市三台山 祀明少保兵部尚書謚忠肅于謙宏治二年建康熙三十一年知府李鐸重建有記雍正七年乾隆十一年嘉慶二十五年咸豐二年重修葺十一年燬於焚同治八年郡人吳煦濮貽孫等請款

重建（袁枚有庙碑歌龍後）

褒忠祠 在杭市錢塘學宮之東。祀明建文死難諸臣翰林修撰王叔英、文學博士方孝孺、侍郎卓敬谷、府長史劉璟等十四人。萬曆二年奏建。咸豐十一年亂燬。光緒十九年重建。

一在瑪瑙寺左 祀明殉土木之變監察御史夏誠

一在棲霞嶺西 嘉靖三十二年巡撫御史奏建。改中官劉瑾舊祠址為之。祀抗倭陣亡杭州衛指揮陳善道、吳懋宣、冠帶總旗張儒海、軍衛指揮滿朝采、馬星圖、千戶王繼隆、百戶康綬、楊臣、王相姚、岑、呂鳳、姜、楫、海門衛立功指揮俞亨昌、國術百戶陳爵、陳表、三江巡檢張景、鐵場巡檢喬仲厚。平湖縣典史喬登。

按棲霞嶺西之祀，浙續通志稿不載。唯新修杭州府志有之，且備列姓氏官爵，茲以倭寇為禍吾國自昔已然，明代中葉有戚元敬氏禦之於前，近今則有我

元首蔣公領導抗戰於後，卒殲張敵，後先輝映，其揆若一。此吾民族光榮歷史之一頁，不可缺而不書，故補列之。

流芳祠 在棲霞嶺忠烈廟西 祀齊安郡王趙士儔、斬王韓世忠中丞、何
鑄、大理寺卿周三畏、薛仁輔、大理寺丞李若璞、何彥猷、布衣范澄之、太學
生程宏圖、尚書僕射史浩、凡十人、歲久祠圯。

張忠烈公祠 在杭市公安橋岳王廟東 祀明兵部侍郎張煌言（清賜
諡忠烈） 光緒九年鄞人賸地公建 又南山墓前亦有祠

范公祠 在杭市孤山之麓四賢祠左 祀清浙江巡撫范承謨公於耿變
死難浙人哀之為建祠其子時崇總督浙閩重為修建

樊公祠 在天水橋天水院 祀元浙江參知政事樊執敬公於徐壽輝犯
浙逆戰於天水橋死之妻子溺於西湖後杭人立祀於天水橋（楊維禎
有樊公廟食記）

忠節王公祠 在按察司署內左偏 祀明浙江肅政按察使王良（字天
性）成祖即位遣使召之良斬使者闔室自焚死妻投水死正德間按察

使梁材以舊水監亭改建乾隆間賜諡忠節

京兆祠 在錢塘定北鄉范村江口 祀明京尹查秉東轉賓初嚴嵩受廷杖

繆武烈公祠 在清泰門昭忠祠西 祀清署鹽運使金銜嚴道繆梓咸豐二年清河梗阻創設海運八年洪楊軍犯浙力解衙圍十年春杭城陷督軍血戰死事尤烈同治八年巡撫李瀚章奏建光緒三十一年布政使翁曾桂立石紀事

王壯愍公祠 在吳山神霄宮院右 祀清巡撫王有齡同治十年建
三忠祠 在忠正巷中 祀清咸豐十年在藉死難兵部侍郎戴熙（諡文節）東祀湖北死難湖北學政馮培元（諡文介）西祀在藉死難湖南衡永柳桂道俞焜（諡文節）祠奉戴氏故居西偏有聽園同治九年建祠

五忠祠 在吳山 祀清道光二十年英人犯浙先後殉難定海知縣姚懷祥典史全福鎮海縣丞李向陽即用知縣顏履敏乍浦同知聿逢甲於二

十年冬設票主於元慶房西廂顏曰五忠祠經亂燬同治四年並祀於昭忠彙祀祠

按五忠祠之設即民族正氣之表現也道光以來英人首先侵犯吾海疆而五忠之死即為此正氣而死之率先者最近日寇憑陵我疆土至八年之久卒格而去之正氣發揚于世界以共見雖其間為國捐軀之士指不勝屈然後海先河雖清五忠導先路可也故特表而出之

昭忠彙祀祠 在太廟舊崇陽書院之左 清咸豐五年知府王有齡建祀洪楊之變官於浙而死事浙人官於外死事及兵役勇丁等同治四年重修增祀咸豐十年十一年省城兩次失守將軍巡撫殉難各官按浙江續通志稿於太平軍之役概稱粵賊粵匪揆以民族主義殊屬非是茲改書洪楊之變以崇正義凡前後類此名稱概予更正而著其義例至於當時死難職官則守土有責又未可厚非故仍列之

張文節公祠 在杭市金衙莊昭忠祠西 祀清翰林編修張洵成豐十一年在籍守城防禦身殉同治八年國子司業孫詒經奏建附祀元配施氏子敘典女喜姑及杭城再陷繼配勞氏子惇典從典念典凡妻李氏姪女九姑闔門盡節

張文貞公祠 在清泰門內昭忠祠右 祀學政張錫庚杭城被圍助守六十餘日城破死難子恩然妻王氏媳戴氏孫女大姑殉焉翁曾桂有記

李英二公祠 在清泰門昭忠祠側 合祀清咸豐十年殉難仁和縣知縣李福謙城破自縊於吳山城隍廟尚書彭玉麐立石表焉十一年殉難署仁和縣知縣吳保豐光緒二十年巡撫楊昌濬奏建

崇義祠 在管米山峨嵋庵左 祀清咸豐十年洪楊軍陷杭城及十一年杭城再陷前後死難官紳士庶婦女巡撫馬貽泰建孫衣言有記

羅王二公祠 在薦橋西下扇子巷 祀清咸豐十年洪楊軍陷城死事巡撫羅遵殿布政使王友端同治間巡撫李瀚章奏建

忠義祠 在錢塘仁和二縣學宮內 清乾隆四十一年奉旨祀明末殉節諸臣及諸生布衣

楚湘忠義祠 在三元坊本禹王宮故址 清同治五年總督左宗棠奏建 祀克復兩浙楚湘兩軍陣亡官兵弁丁

浙江全省忠義祠 在清泰門內金衙莊 祀清咸同浙省官民死難者正屋二楹官紳東堂二楹軍民西堂二楹官紳婦女北堂二楹民人婦女同治十二年建巡撫楊昌濬有碑記

葉公祠 在糧道山 祀清杭嘉湖道葉莖 咸豐十年洪楊軍逼清波門城陷公率子及僕投井死 光緒十八年巡撫崧駿奏准建祠

徐忠愍許文肅袁忠節三忠祠 在孤山之陽即詒經精舍式古堂改建
祀清光緒二十六年拳匪之亂抗疏諫諍死節兵部尚書徐用儀吏部侍郎許景澄太常寺卿袁昶宣統二年三忠後裔並士紳公建

林典史祠 在孤山林逋墓側 祀清咸豐十年闔門盡節仁和縣典史林汝霖同治七年巡撫馬新貽奏建陳忠祠有祠記

雙忠廟（亦稱雙廟） 在海寧縣治西彩霞橋葆真觀後 祀唐睢陽太守許遠後增祀張中丞巡號雙廟紹興八年鹽官令胡統與邑人侍郎張九成請於朝并增祀南霽雲雷萬春姚閭故又謂五國公廟明洪武四年以海寧為公所生之地理宜廟祀稱唐睢陽太守許公之神萬厯間廟災天啟元年重建清雍正十年裔孫許谷請帝重修咸豐十一年經亂燬同治七年重建

按浙江續通志稿載明陳楚產重修茅坤撰記然杭州府志海寧州志稿不載而州志稿附註則謂雙忠廟碑碣無一存者則經火燬久矣

雷將軍廟 在吳興渡東鋪 祀唐雷將軍萬春

郭尚書郎祠

在吳興縣東百步文昌閣巷 祀晉尚書郎郭璞中明嘉靖

八年建

清道光三年里人隆映奎陸昌陞重建後祀寄祀三仙廟中

按郭尚書郎祠烏程縣志不載唯新舊湖州府志載之據舊傳立城之初璞視地理水無兵革故祀之而續圖經則以為以晉史考之郭於吳興無功績云云不知郭為晉世忠臣其死也最為冤抑史氏掩覆勿彰雅王文成公以為龍逢冀勝之流足發千古未發之覆湖人之祀之宜也續圖經所云得毋以視察地理一節小之歟然降觀卜吉古有明言多能餘事亦復何害張羽詩功德被生民祭法古不遺斯言得之矣因備列而辨正之

凌忠介祠

在吳興月河街 祀明大理卿凌義渠 清咸豐四年知府王

有齡建同治十年知府宗源瀚重修

大王廟 在德清新市步雲橋西 祀宋韓雍緒謝本府之姪三宮北渡河
緒投蒼水死明景泰間建廟沙灣

宗將軍祠 在桐鄉縣西十里阜林鎮秀溪橋 祀明都督宗禮嘉靖丙午
倭寇入犯禮奮勇禦於阜林市之三里橋三覆賊兵兵興以來赫血戰功
第一戰歿祠人祀 咸豐末毀同治四年重建

忠孝魏公祠 在嘉善縣治東 祀明都給事魏大中及子學洵 清康熙
二十七年知縣李之藻重建四十年知府佟賦偉重修雍正九年知縣楊
繩祖奉旨重建乾隆十九年高孫繼葺五十三年督糧道鹿奎倡捐修理
增建思敬堂（鹿奎有重建忠節公祠堂記）咸豐間燬同治十年高孫
等重建修葺

沈文節公祠 在海鹽安仁橋北 祀清廣西學政沈炳垣咸豐七年殉難
於梧州廣西建立專祠本籍沈氏自行建祠奉祀